



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Joan. Baptistæ Santolii Canonici Regularis Victorini  
Carmina Selecta**

**Santeul, Jean de**

**[S.I.], 1679**

Franciae Cancellario in agro suo rusticanti.

**urn:nbn:de:hbz:466:1-13401**

Lux oculos perstringat, in imis vallibus omnes,  
Omnes frondiferūm nemorum per opaca latebant.  
O quam nuda places operosi nescia fastūs  
Simplicitas! lucis agitantem multa sub altis,  
Non radiantem auro, nulloque satellite septum,  
Unum omnes trepidi longè admirantur, & unum  
Certatim aspiciunt: stupuere, avidique tuendo  
Vix credunt oculis, iterumque iterumque revisunt.  
Pro turba famulantum, & conspicuo comitatu,  
Illi aderat magna inspirans comes unica Virtus.

Nympha loci erubuit, tanto præsente magistro  
Dedidicit primos jam non temeraria fastus.

\*\*\*\*\*

FRANCIAE CANCELLARIO  
in agro suo rusticanti.



Os CAVILLÆI felicia numina ruris,  
Umbriferæ valles, vos antra, altique recessus  
Sylvarum, colles nimium, fontesque beati:  
Quando rure datur meditantem grandia vestro,  
Simple sub cultu, nulloque satellite cinctum  
TELLERIUM aspicere, & totum observare tuendo.  
Hâc ego fortunâ non Rusticus esse recusem.

\*\*\*\*\*

## URBANO PRÆTORI.

*Antlia recens imposta ponit per inundantem  
Sequanam eversâ, salvis inscriptionibus.*

**F**ortè Parisiacam dum Sequana perfluit Urbem,  
Viderat inscriptos SANTOLI in marmore versus  
Alto Ponte super: stetit, & tum carmine lecto,  
Scilicet ille meos, dixit, contemnet honores,  
Et mea in exiguo mutabit flumina fontes.

Nescio quem affingens, cursus qui tardet, amorem?

Vix ea, cùm totis horrendū immugiit undis,  
Cornuaque attollens irato flumine rumpit,  
Subvertitque domum, quā se se plurimus amnis  
Per tubulum assurgens totam fundebat in Urbem.  
Fulcra domūs cecidere, simul domus omnis, eodem  
Sperabat demens evertere carmina fluctu:  
Sola sed eversis manserunt carmina tectis.  
Sic nostros, Prætor, defendunt Numina versus.